

Papur y Bwrdd

14 Mai 2014

Teitl y Papur	Fframwaith Perfformiad 2014/15
Cyfeirnod y Papur:	NRW B B 41.14
Paratowyd y Papur gan:	Clive Thomas John Hogg

Pwrrpas y papur:	Trafod a chytuno ar Fframwaith Perfformiad ar gyfer 2014/15
Argymhelliad:	Gofynnir i'r Bwrdd: 1. Gytuno ar y Fframwaith Perfformiad. 2. Cymeradwyo mesurau'r Cynllun Busnes i gael eu cynnwys yn y Fframwaith Perfformiad, fel y gall y Weithrediaeth, gyda chymorth Is-grŵp y Bwrdd benderfynu'n derfynol ar fesurau'r dangosfwrdd ar gyfer 2014/15. 3. Nodi amserlenni ar gyfer cyflwyno adroddiadau yn 2014/15. 4. Nodi y byddwn yn cyflwyno ein Fframwaith Perfformiad i Lywodraeth Cymru, ar ôl cytuno arno.
Angen Penderfyniad:	Cytuno ar y Fframwaith Perfformiad a sut y byddwn yn mynd ati i gwblhau mesurau'r dangosfwrdd ar gyfer 2014/15.

Effaith: Noder – efallai na fydd pob pennawd yn berthnasol i'r pwnc	Effaith ar yr Amgylchedd: Bydd y Fframwaith Perfformiad yn dangos cynnydd dangosyddion yn erbyn blwyddyn gyntaf ein Cynllun Corfforaethol yn cyrraedd targedau ein Cynllun Busnes 2014/15 sy'n ymwneud â'r rhaglen Amgylchedd Da. Effaith ar yr Economi: Bydd y Fframwaith Perfformiad yn dangos cynnydd dangosyddion yn erbyn blwyddyn gyntaf ein Cynllun Corfforaethol yn cyrraedd targedau ein Cynllun Busnes 2014/15 sy'n ymwneud â'r rhaglen Da i Fusnes. Effaith ar y Gymuned: Bydd y Fframwaith Perfformiad yn dangos cynnydd dangosyddion yn erbyn blwyddyn gyntaf ein Cynllun Corfforaethol yn cyrraedd targedau ein Cynllun Busnes 2014/15 sy'n ymwneud â'r rhaglen Da i Bobl. Effaith ar Wybodaeth:
--	--

	Bydd y Fframwaith Perfformiad yn dangos cynnydd dangosyddion yn erbyn blwyddyn gyntaf ein Cynllun Corfforaethol yn cyrraedd targedau ein Cynllun Busnes 2014/15 sy'n ymwneud â'r rhaglen Gwybodaeth Dda.
--	--

Pwnc

- 1 Datblygwyd Fframwaith Perfformiad mewn ymateb i'r gofyniad penodol yn ein Llythyr Cylch Gwaith. Y Fframwaith fydd un o brif ffyrdd y Bwrdd o graffu ar ein cyflawniad a chefnogi cynlluniau strategol yn ystod 2014/15 a thu hwnt. Trafodwyd ein cynigion cychwynnol ag is-grŵp o'r Bwrdd ar 28 Mawrth 2014 ac mae'r cynnig terfynol yn cael ei gyflwyno i'r Bwrdd er mwyn cytuno arno cyn iddo ddod yn weithredol.
- 2 Fel rhan o'r Fframwaith Perfformiad ac yn unol â'r Cynllun Busnes newydd, mae angen i ni gytuno ar yr is-set o fesurau'r Cynllun Busnes ar gyfer adroddiadau dangosfwrdd yn ystod 2014/15. Rydym hefyd wedi penderfynu'n ffurfiol mai bob pedwar mis y cyflwynir adroddiadau yn ystod 2014/15.

Crynodeb

Fframwaith Perfformiad

- 3 Mae'r gwaith o ddatblygu'r Fframwaith Perfformiad wedi'i ysgogi gan Lythyr Cylch Gwaith 2014/15 a Dogfen Fframwaith Llywodraeth Cymru, yr angen i gytuno ar yr is-set o fesurau'r Cynllun Busnes ar gyfer dangosfwrdd 2014/15, a cham gweithredu o gyfarfod y Bwrdd ym mis Chwefror 2014 yn galw am baratoi crynodeb perfformiad.
- 4 Mae'r Fframwaith Perfformiad yn ymateb i'n Cynllun Corfforaethol ar gyfer 2014-17 sydd wedi'i gymeradwyo a'i gyhoeddi, a Chynllun Busnes 2014/15. Bydd yn dangos cynnydd tuag at y canlyniadau rydym yn eu dyheu yn y Cynllun Corfforaethol a'r modd yr awn ati i gyflawni'r Cynllun Busnes. Mae gan y Bwrdd swyddogaethau'n ymwneud â'r Fframwaith Perfformiad: cynorthwyo a chynghori'r Weithrediaeth, a chraffu a llywodraethu.
- 5 Mae'r Fframwaith Perfformiad, sydd i'w weld yn **Atodiad 1**, yn dangos y "linyn aur" rhwng y canlyniadau strategol a thargedau timau/unigolion. Mae'r lefelau perthnasol yn cysylltu â'i gilydd i greu camau gweithredu ac i ysgogi penderfyniadau.
- 6 Byddwn yn parhau i adrodd yn rheolaidd ar ein perfformiad i'r Bwrdd fel y gall gyflawni ei rôl graffu.
- 7 Bydd yr adroddiad hwn, sydd i'w weld yn **Atodiad 2**, ar y ffurf ganlynol:
 - Crynodeb lefel uchel o berfformiad sy'n dwyn ynghyd yr hyn a gyflawnwyd yn erbyn y Cynllun Corfforaethol, y Cynllun Busnes a'r Achos Busnes. Nodwyd yr angen hwn yng nghyfarfod y Bwrdd ym mis Chwefror 2014, ac
 - Adroddiad perfformiad manylach ar gyfer pob un o'r pum Rhaglen. Byddant yn cynnwys cynnydd yn erbyn dangosyddion y Cynllun Corfforaethol a chyfres ddethol o dargedau'r Cynllun Busnes. Ni all nifer CNC ar ei ben ei hun gyflawni nifer o ddangosyddion ein Cynllun Corfforaethol. Fodd bynnag, maent o gymorth i ni alinio ein gwaith cyflawni a sicrhau ein bod yn gofyn cwestiynau strategol gyda'n partneriaid a'n rhanddeiliaid ynghylch a yw'n model cyflawni byth yn debygol o fod yn effeithiol.Gofynnir i'r Bwrdd gytuno ar y Fframwaith Perfformiad.

- 8 Yn 2013/14 roedd gennym ddangosfwrdd 'annibynnol' gyda chyfres ddethol o dargedau'r Cynllun Busnes, yn absenoldeb Cynllun Corfforaethol wedi'i gytuno. O 2014/15 ymlaen, rydym yn cynnig ein bod yn adrodd ar y dangosfwrdd o dargedau'r Cynllun Busnes ar gyfer 2014/15 a dangosyddion y Cynllun Corfforaethol gyda'i gilydd fel bod un adroddiad perfformiad ar gyfer pob Rhaglen.
- 9 Ochr yn ochr ag adroddiadau'r Rhaglen, rydym yn cynnig dangosfwrdd sy'n dwyn ynghyd gyfres o ddangosyddion perfformiad a mesurau sydd wedi'u cynnwys yn y Cynllun Busnes ar gyfer 2014/15. Mae drafft i'w weld yn Atodiad 3 ac er nad yw'r dangosyddion a mesurau terfynol hyn wedi'u dewis hyd yma, bydd y dangosfwrdd cryno yn cysylltu â dangosfwrdd Cynllun Cyflenwi pob Cyfarwyddiaeth, sy'n cael ei adolygu'n rheolaidd fel rhan o waith craffu ar berfformiad y Tîm Gweithredol.
- 10 Dewiswyd y gyfres (dangosfwrdd) o dargedau'r Cynllun Busnes ar sail y canlynol:
- Parhad mesurau o'n dangosfwrdd blaenorol,
 - Risgiau sylweddol o'n Cofrestr Risgiau,
 - Targedau penodol a'r pedair blaenoriaeth Weinidogol, sef twf gwyrdd, trechu tlodi, defnydd effeithlon o adnoddau a chydnerthedd yn ein Llythyr Cylch Gwaith
 - Pynciau penodol y gofynnodd y Bwrdd amdanynt yn flaenorol (er enghraifft Arloesedd a Phartneriaethau).
- 11 Gofynnir i'r Bwrdd gymeradwyo'r dull gweithredu a'r mesurau dangosfwrdd drafft i gael eu cynnwys yn y Fframwaith Perfformiad fel gall y Weithrediaeth gyda chymorth Is-grŵp y Bwrdd benderfynu'n derfynol ar y mesurau perfformiad ar gyfer 2014/15.
- 12 Bydd y Bwrdd yn cael adroddiad ar berfformiad bob pedwar mis yn unol â gofynion adrodd Llywodraeth Cymru. Byddai'r Bwrdd yn ystyried hyn mewn sesiwn agored (Hydref 2014, Chwefror 2015 a Mai 2015) a bydd y Fframwaith Perfformiad ar gael i'r cyhoedd. Caiff ei gyflwyno gerbron Llywodraeth Cymru a'r Gweinidog Cyfoeth Naturiol a Bwyd ar ôl i'r Bwrdd ei ystyried bob tro. Gofynnir i'r Bwrdd nodi'r amserlen hon.
- 13 Yn unol â'n Dogfen Fframwaith, mae angen i ni adrodd ar ein perfformiad yn rheolaidd i Lywodraeth Cymru. Gofynnir i'r Bwrdd nodi y byddwn yn cyflwyno ein Fframwaith Perfformiad i Lywodraeth Cymru ar ôl cytuno arno.
- 14 Ar ôl cytuno arno, byddwn yn gweithio gyda'r Tîm Gweithredol ac Is-grŵp y Bwrdd i ddatrys yn derfynol unrhyw faterion sydd yn dal heb eu datrys ynghylch y Fframwaith Perfformiad. Yna, bydd ein Fframwaith Perfformiad yn cael ei drafod gyda Llywodraeth Cymru a bydd canllawiau'n cael eu cyhoeddi i'r sefydliad fel y gellir dechrau adrodd ar gyfer 2014/15.
- 15 Heb waith craffu priodol ar ein perfformiad, mae risg y gallem fethu â chyflawni ein Cynllun Corfforaethol a'n Cynlluniau Busnes a gallai hynny arwain at wneud drwg i'n henw da.

Goblygiadau Ariannol

- 16 Ni cheir unrhyw oblygiadau ariannol sylweddol yn sgil darparu'r adroddiad perfformiad hwn.

Cyfathrebu

- 17 Bydd angen cyfathrebu â'r Gweinidog Cyfoeth Naturiol a Bwyd ynglŷn â'r Fframwaith Perfformiad.
- 18 Gosodir copi o'r Fframwaith Perfformiad ar wefan Cyfoeth Naturiol Cymru er gwybodaeth i'r cyhoedd ac eraill.

Asesiad o'r Effaith ar Gydraddoldeb

- 19 Amherthnasol

Mynegai Atodiadau

- Atodiad 1: Fframwaith Perfformiad CNC
- Atodiad 2: Crynodeb lefel uchel o berfformiad ac adroddiadau perfformiad manwl
- Atodiad 3: Dangosfwrdd y Cynllun Busnes